

Пара Куля

«Ангелсь мярьгсь тейст: «Тяда пеле; мон азан тейнтъ Пара куля,
кона ули оцю кенярьксокс сембе ломаньтналти:
тячи Давидонь ошса шачсь тейнтъ Идись, Сон Христос Азорсь».



Минь эряфоньконь пингста аф кенерят нолдамс телевизорть али панжемс газетать, васенцеда азондыхть кальдяв кулятнень колга: коса ётась модашерьхкома, коса тюрема моли, коса ломатть машинаса шавовсть, али кулофты урмась машфтозе марнек ошть. И эрь шиня СМИсь азонды тейнек тянь колга.

А тя газетась канды тейнтъ кенярьфти куля: 2000 кизода инголе шачсь Иисус Христос Идись, конань тячиенге ули виец идемс минь сембе кальдявда и лездомс тейнек эрь шинь тевсонк.

(сяда лама тянь колга сёрматф 3 лопаса)

Озондомать виец

Тейне ульсь кота кизот, мьзярда алязе тусь кудста, сяка пингста сярядькстсь щавазевок. Тя ульсь сёксеть ушетксста. Тядязе пьчкафнезе щавазень пидеф шурьке кедьса, а шурьке прятнень сивондине мон. Тяфта минь эряме, мьзярда прокс ашель ярмаконьке. Тядязти ашезь макссе получканц, щавазти пенциянц, а алязе — ашезь лезда тейнек. Инойста тядязень ялганза каннеть тейнек капста али модамарьхть. Тядязе тапафста макссезень щавазти ярхцамс. Щавазень фкя лёхкайсонза — тевлалсонза ульсь опухоль, и врачне корх-тасть, кьле кулома лангса ащи бабась.

Учевсь, тядязти макссть получа-ка, но сяка шине сонь салазь. Тя ёткть малаткшнесь Роштувась.

Церькавса батюшкась корхтась ломаттненди: пара улель, кьда Роштувать самс ломаттне мо-рафтолезь Евангелиять, а ша-баттне Идень Библиять. Тя ули кода казне Иисус Христосонди. Въдь Роштувась — тя Сонь шачемшиц.

Мон эста нинге ашень машта лувоме. Сяс тядязе кайгиста лувондозе Евангелиять, а тейне Идень Библиять. Илять минь мархтонза озонкшнеме щава-зень шумбрашинц инкса, мон

озондонь аф аныцек пьчкаманц инкса, но и кемаманц инкса: пелень кулы Шкайти аф ке-майкс.

Мон сидеста нажятыкшнень ща-вазень вастонцты и корхнень тейнза: «Щаваняй, морафнек Библиять!» Но Библиась таки прашендсь щавазень вийфтома кядьстонза.

— Щавай, — мярьгондень мон, — кемак, Шкай ули. Тон ужялят тейне: въдь кьда кулат, аф поват раи, и тядязень мархта оду мьзярдонга тонь аф нияхтядязь.

— Лоткак и тямак машнефте, — кяжиста корхнесь щавазе, — алхне саразть аф тонафнесазь!

Мон аварькшнень и озондонь: «Шкайняй, пьчкафтк щавазень, пади арай кемайкс. Сон тейне пяк эряви...»

Минь ни улеме анокт кальдя-вонди, но вов лиссь дива-чуда: тядязень мархта мьрдатама паксяста, якаме тоза коське ло-пань кочкама. Сувсетяма куду, а щавазе озаф васта пети (тяда инголи сон кафта кофт ашезь стякшнев) и морафты Библия.

Кафтошка неделяда меле сась врачсь, ванозе щавазень и ди-вандакшнесь — бабать сембоц шумбра, бьта афи сярядсь. Тя



ульсь Роштувать алдонь шис-тонза. Церькавса тейне казсть мазы тюсса нумолня и оцю кулёк сянкса, мес мон педа пес лувине Идень Библиять. Но сембода пяк мон кеняръкш-нень щавазень пьчкаманцты. Мон сюконянь Шкайти, мес Сон кулезень монь озондома-нень и мьрдафтозе тейне щава-зень шумбраста и казсь тейнза кемама. Вага конашка вийсна Шкаень валть и озондомать!

сёрматф азксонь азонды
стирнять валста

А тyani, мокша ломатть, монь ули пяк кенярьфти кулязе — курок лиси мокшень кяльса Евангелиясь. И тя Евангелиясь, надиятама, пачкоди эрь мокша ломанть кудс! И Шкаень валть вельде, тиньге кудсонт карма-йхть лисендема тяфтама диват-чудат. Шкаить мялец лездомс тейнек, въдь минь Сонь кель-гома иденза!

(статьять ушетксоц васенце лопаса)

Инголькиге азф кулясь

Иисусонь шачеманц колга

(Лукань коряс Евангелия 1:26-38)

Елисаветань пекиямда меле ко-
тоце ковть лангс Шкайсь кучезе
Гавриил ангелть Галилеянь
Назарет ошу, Мариянди, аляса
апак токак стирти*, конань
ладязь максомс трывакс Дави-
донь юромста Иосифонди.
Ангелсь сась тейнза и мярьгсь:
«Шумбрат! Тейть максовсь
Шкайтъ эзда пароказь! Азорсь
мархтот!» Мариянь пяк абонф-
тозь валонза, арьсезевсь: мезень
колга корхтай тя шумбраксто-
мась. Но ангелсь мярьгсь тей-
нза: «Тят пеле, Мария, Шкайсь
макссъ тейть пароказь; вов пе-
кият и шачфатат Цёра, лемдъсак
Иисус. Сон ули пяк оцю и лем-
деви Инь Вярденнети Цёракс.
Шкай Азорсь макссы Тейнза
Давид атянь-атянц оцязоронь
озама вастонц. Сон кармай
оцязорондама Иаковонь юро-
монц, Израилень ломаньтналть
лангса пefтома пинге, и Сонь
оцязорондаманцты аф ули пе».
Мария мярьгсь ангелти: «Кода
тя ули, мъзарда мон мирдъта аф
содан?» Ангелсь каршезонза
мярьгсь: «Иняру Ваймопожфсь
сай лангозт, Инь Вярденнеть
виец вельхтятанза тонь; сяс
шачи Идняське ули иняру и
лемдеви Шкаень Цёракс. Вов
Елисаветавок, эсь юромонь ло-
маньце, тyani сиредембялхть
пекиясь, канни цёраня. Сон ко-

тоце ковть лангса ни, а лем-
невсь аф шачфтовикс! Шкайти
аш аф тиеви тев». Эста Мария
мярьгсь: «Мон Азорть урецаң;
улеза сембось стане, кода мярь-
готъ». И ангелсь тусь маласто-
нза.

**девственница*

Иисусонь шачемац



(Лукань коряс Евангелия 2:1-7)

Ся пингть Август, римонь ке-
сарсь макссъ кошаркс сёрма-
домс сембе ломаттнень сонь
масторстонза. Тя ульсь васенце
сёрмадомась и сон ётафтовсь,
мъзарда Сирияса азорондась
Квириней. Сембе тустъ прянь
сёрматфтома, эрьсь эсь атянь-
авань ошезонза.

Иосифовок тусь Галилеянь
Назарет ошста Иудеяв, Дави-
донь шачема ошезонза, кона
лемневсь Вифлеем; сяс мес
Иосиф шачемас коре ульсь
Давидонь юромста. Сон тусь

сёрмадомас Мариянь мархта,
конань ладязь максомс тейнза
трывакс и конац учсь идня.
Вифлеемса улемстост Мариянь
сась шачфтома пингоц. Сон
шачфтозе Цёранц, васенце-
нянц, ашкодозе Сонь нуласа и
путозе жуватань андома кядь-
гос, сяс мес инжиень кудса
тейст ашезь сата васта.

Учань ваныхне и ангелхне

(Лукань коряс Евангелия 2:8-20)

Ошть маластонь паксяса ульсть
учань ваныхть, конат веть ванф-
тозь эсь учаснон. Апак учт
инголест эвондась Азорть
ангелоц, и синь валдоптозень
Азорть иневалдоц. Синь сяво-
зень оцюдонга оцю пелема.
Ангелсь мярьгсь тейст: «Тяда
пеле; мон азан тейнтъ Пара
куля, кона ули оцю кенярьксокс
сембе ломаньтналти: тачи
Давидонь ошса шачсь тейнтъ
Идись, Сон Христос Азорсь.
Вов тейнтъ тяшкс:

тинь мусасть Иднять ашкотфста
жуватань андома кядьгоста». Апак учт ангелть ваксса эвондась менелень ушмовий, ламодонга лама ангелда, конат шназь Шкайти и корхтасть: «Шнама Шкайти вярденъ менельса, и модать лангса сетьмоши ломаттненди, конатнень кельгсыне Шкайсь!»

Мъзарда ангелхне кеподсть менели, учань ваныхне мярьгсть фкя-фкянди: «Аряда Вифлеему и ванцасък, мезе тоса тиевсь, мезть колга пачфтсь тейнек

куля Азорсь». Эрязста пачкодсть, музь Мариянь мархта Иосифонь и Иднять, кона путфоль жуватань андома кядьгос. Тянь няемста синь азондсть сянть колга, мезе тейст ёфтафоль тя Иднять кувалма. Сембе кулисна дивандасть сянди, мезе азондсть тейст учань ваныхне. А Мария сембе ня валхнень путозень седизонза и арьсекшнесь кульфть колга.

Мърдамста учань ваныхне шназь Шкайти и азондсть Тейнза сюконямат сембонкса, мезе

кульсть и нйасть. Сембось ульсь стане, кода тейст азфоль.

Аф содаф валхне:
пароказь – благодать
уре – раб
иневалда – слава
ушмовий – воинство,
отряд
сетьмоши – мир

Ня тексттне сярвфт мокшень кяльс ётаффт Евангелияста.



Роштувань ве, кенярьксонь ве

Музыкальная запись песни «Роштувань ве, кенярьксонь ве» в нотном формате. Запись состоит из четырех строк нот, каждая со своим текстом. Над нотами указаны аккорды: C, G7, C, C7, F, C, G, G7, C, G7, C.

1. Рош-тувань ве, кенярьксонь ве! Сась эрь шинь
теф-ненди пе. Ка-фонест аф удыхть ми ртть -ърват.
Мато - довсь ём - ла-ня ид - не-ня - сна шужя - рень а - цам-ня -
са шужя - рень а - цам-ня - са

2. Роштувань ве, илань ве!

Пиндолдыхть тяштентятне.
Кайгиста менельста кулеви
ангелхнень кенярьксонь морамасна:
«Тейнек шачсь Христос!»

3. Роштувань ве, илань ве!


Павазонь пинге тя.
Сетьмоши ломаттнень седисост.
Пефтома эрямась аноклаф
Христосонь кельгомаса.





Алянъке, кона менельса

*«Алянъке, кона менельса!
Катк лувови инярукс Тонь лемце.
Катк сай Тонь Оцязорксиице;
катк ули Тонь мяльцень коряс
мода лангсовок, кода и менельса;
ииста иис макссек тейнек эрь иинь кшиньконь,
нолдайт тейнек минь пеженъконь,
кода миньге нолясаськ тейнек шумуяфненди.
Тямасть вятфне варчсемас,
но Кальдявт эзда идемасть.
Вьдь Тоннет – Оцязорксись, вийсь
и иневалдось нефтома пингс.
Аминь».*



Мезень колга корхтай тейнек «Алянъке, кона менельса» озондомась?

Озондомась, кѣда сѣда тѣждѣ-ста азомс — тя Шкайтѣ мархта корхтама. «Алянъке, кона менельса» озондомась муви Библияса, Матфеень коряс Евангелияста котоце главаса, тяфта жа нинге васѣфневи Луканѣ коряс Евангелияса кефкице главаса. Тяда башка, Библияса лама вастова азондови, кода Иисус тонафнезень ломаттнень озондома.

Лисенди: «Алянъке, кона менельса» озондомаса Иисус тонафты эсонк озондома. Тя озондомать максомда инголе Иисус кардазень тонафниензон, мярьгсь: озондомста афольхть паньце шава и мазы валхнень мельге, но корхталезь Шкайти сянъ, мезе седисост.

«Алянъке, кона менельса!»

Шкайсь — тя минь Алянъке, а минь Сонь иденза. Шкайсь эряй-ащи менельса, а минь тя масторлангса. Васенда Шкайсь тиезе менельть и мастортъ, сѣда тов Адамонь мархта Еванъ, васенце ломаттнень и уфасъ потмозост эряфонь максы ваймопожф. Тя виде: масторлангонь тядяньке-альяньке казсть тейнек ронга, но эряфть эрь ломанти макссесы Шкайсь. Тяста лисенди, Шкайсь минь тиемазь и минь Соннетяма, Сонь иденза.

Юмаф-араф цѣратъ колга азкссь пѣк лац панчсесы тейнек Шкайтѣ, Менелень Алянъконь кельгоманц. Аф ваномок цѣратъ усксєви эряфонц лангс, кона кандсь алянцты лама пичефкста и сєдиень сѣрядемада, аляц

сякокс ашєзь лотксе кельгомда эсь идєнц и фалу учєндозє Сонь. И мѣзѣрда цѣрац мѣрдась куду, аляц ужѣльдєзє сонь и кельгозь васѣфтезє: лѣпштѣзє мяштєнцты и валовок ашєзь аза юмаф уликс-паротъ колга.

Эрь иднѣти эряви алянц кельгомац, трѣмац и тонафтомац. Тяфта тейнеконга, оцю ломаттнєнди эряви Менелень Алянъконь кельгомац, трѣмац и тонафтомац. Соньфтомонза минь афолєме машта лац-ряц эрямонга, аньцєк маятакшне-лєме и афолєськ сода, мєзьса павазсь, тиєнделєме марѣй фѣя-фѣянди. Шкайфтома минь катф иднѣтнєнь лацотама, конат фалу повондѣхть кальдѣвс, сѣс мєс аш кельги тядянь-альянь сєльмє, кона ваноль мєльгаст.



Пади тонга юмаф-араф цёрать лаца тапарятыя эряфса и шарфотот виде киста? Али, пади, эрят и прокс мезевок аф содат Менелень Аляцень колга? Лувк, эняльдян, юмаф-араф цёрать колга азксть. Эста тейть шарьхкодеви, конашкава Менелень Аляце кельктянза тонь и конашкава учи эсот. Сонь пяк мялец кулемс тонь вайгяльцень, кона пышкади Тейнза «Аляй» валса.

«Катк лувови инярукс Тонь лемце»

Мъзарда тон азсайть ня валх-нень «Катк лувови инярукс Тонь лемце», тон анат Шкайтъ, минь Алянконь кядьста — лувоволь Сонь лемоц инярукс! Лия валса — кельголезь и путолезь Шкайтъ пара лувксс. Тяфта озондысь сонцьке корхтай Шкайти: «Шкайняй, мон луфтте Тонь инярукс, сяс монь монь-ценьге ули мялезе эрямс инярушиса и аф тиендемс пежет.

«Катк сай Тонь Оцязорксшице»

«Катк сай Тонь Оцязорксшице» — тьса озондысь эняльди: сяда курока саль Шкаень Оцязорксшись. Кода ты шарьхкодемс?

Шкаень Оцязорксшитъ колга пяк лама корхтэви Библияса. Нинге Иоанн Къстиндайсь, кона анокласъ ки Иисус Христость

саманцты, корхтэсь: «Маладсь тейнтъ Шкаень Оцязорксшись: каендада и кемада Пара куля-ти». Евангелияса лама азондови сянь колга, кода Иисус пьчкаф-незень сярядихнень и нолнезень ломаттнень пежеснон. Христость ты покодемац няфнесы тейнек: Шкаень Оцязорксшись тыни ётксонк, вьдь сон сяськозе Сатанань оцязорксшитъ, конань оду аш виец минь лангсонк.

Христос мярьгсь — Шкаень Оцязорксшись ётксонк. Сон аф вестъ азонкшнезе — Сонь Оцязорксшиц аф ты масторлангонне. Мъзарда Иисус сувай минь эряфозонк и ушеды азорондама тоса, эста Сонь Оцязорксшиц сась минь эзонк, ваймозонк. Эста ни минь аф карматама тиендема эсь мяленьконь али ронгоньконь мяленц коряс. Аф! Эста минь карматама Шкайтъ мяленц кулхцондома и эряма Шкаень Оцязорксшитъ коензон коряс.

Тейнек эряви кочкамс, кона оцязорксшиса минь мяленьке эрямс: Шкаеннеса али Сатананнеса, сяс мес аш кода фкя-сяка пинкть эрямс-ащемс кафта оцязорксшиса.

Библияса нинге корхтэви Христость омбоцеда саманц колга. Сонь сама шинь пингонц кивок аф содасы, но мъзарда Сон сай, Сон сай ни аф крёз лангса

кулома, а оцязорондома. Эста Сон сай Оцязоркс и Шкаень Оцязорксшись кармай няевома сембе ломаттнени. Сонь Оцязорксшисонза азорондайхть кельгомасть, видексшись и инярушись. Тоса аш васта сельмоветтнени, урматнени и куломати. Тоза аф сувави кодамовок ёрдаз али пеже. Пади тон кизефтсамак: «Кода ина тейне улема? Вьдь мон пяк пежуван ломанць. Лисенди, тейне аш васта Христость Оцязорксшисонза?» Ялгай, тоза сувави ся, кинь пежензон штазень Христость иняру вероц, и кие эрясь Христость тонафтоманц коряс.

«катк ули Тонь мяльцень коряс мода лангсовок, кода и менельса»

Менельса сембе тефне тиенде-вихть Шкайтъ мяленц коряс. Менельсь — ты пяк мазы васта, коса прокс аш пеже. Пежесь фалу канды сяратъф аф аныцнек ся ломанти, кие сонь тисы, но и сонь мала ломаненцты. И мъзарда озондысь корхтай: «катк ули Тонь мяльцень коряс мода лангсовок, кода и менельса», эста сон эняльди: улельхть сембе тефне сонь эряфсонза Шкайтъ мяленц коряс. Минь маштама



седи потмоста эняльдемс
Шкаеньконди лездомс тейнек.
Мъзярда сяда кърхкаста кармат
содамонза Шкайтъ, эста ули аф
пелькс максомс Тейнза эсь
эряфцень и эряфонь сембе
тефнень. Тяфта озондомста
минь анатама Шкайтъ кядъста:
вятелезе Сон минь эряфоньконь
и мала ломаненьконь эряфснон
Эсь пара мяленц коряс.

**«шиста шис макссек тейнек
эръ шинь кишеньконь»**

Сонць Иисусь тонафты эсонк
тяфта озондома. Лисенди, Сонь
мялец лездомс тейнек и трямс
минь. Минь машттама анамс
кядъстонза лезкс эръ шинь
тевсонк.

Менелень Алянъке пяк кельк-
тянза тонь и Тейнза аф сембе
сяка, кодане и мезе лангс тон
эрят. Сон учи, мъзярда тон саят
и панчсайть Сонь инголенза
сембе канкснень, арьсематнень
тя эряфть кувалма. Тяконь лаца
Сон учи тонь эздот сюконямат
Сонь кельгоманц и лездоманц
инкса.

**«нолдайтъ тейнек минь
пеженьконь, кода миньге
нолясаськ тейнек
шумуяфненди»**

Библияса сёрматф: прокс сембе
ломаттне сувасть пежес, и мас-
торлангса аш фкяфок пеже-
фтома ломань. Аньцек Иисус

ашезъ тие фкявок
пеже. Но, улихть
ломатть, конат
корхтайхть:
«Минь стака
пежет аф
тиенттяма:
киньге аф
шавонттама, аф
салсетяма.

Меколанкт,
лездкшнетяма ломаттненди и
фалу ёратама улемс пара
ломанькс». Мезе, тyani лисенди,
синь пежефтомот?

Иисус тяфта арьсихненди
мярьгъ: «Эрьсь эздонт, кие аш
мезенкса кирди кяж эсь бра-
донц лангс, вятема судс».
Иисусонь мялецоля азомс:
кържа улемс аньцек цебярь
ломанькс, афкуксонь иняру-
шисъ веши ломанть кядъста
седипотмонь аруши. Мянъ фкя
пежеське, кода ба ёмла сон
афоль уле, тисамазъ минь пежу
ломанькс. Сяс тейнек пяк эряви
пежень нолдама, простяма
Менелень Алянъконь эзда.

Аф эряви арьсемс, быта Шкайти
тя теждяста максовсь. Шкайсь
питниста пандсь тянкса: минь
пеженьконь нолдаманкса
Шкайсь максозе куломас Эсь
фкя тяка Цёранц — Иисус
Христость. Шкайсь мярьгъ:
«Къда кие тии пеже, сянди
кулома». Сяс кати-кинди эрявсь
куломс. Шарьхкодъсак? Тон
тиендетъ пежет, а вастозт



Шкайсь максозе куломас Эсь
аф мувору Цёранц.

Шкайсь нолдасыне тонь пежет-
нень, къда тон седи ваксста
эняльдят Тейнза тянкса. Къда
ломанць эняльди нолдамс,
простямс сонь пеженц, тя корх-
тай сянь колга — сон шарьхко-
дезе: аф видеста тись и оду аш
мялец тяфта тиендемс. Ломанть
мялец азомс: мон путса сембе
виезень оду тяфта аф тиендемс.
Виде, минь машттама эняль-
демс Шкайти лездомс тейнек
кадомс тя пежеть. А къда минь
тага суватама пежес, эста тей-
нек тага ласькома Шкайти и
анама кядъстонза пежень нол-
дама. Но тейнек эряви шарьх-
кодемс, мезе минь тиеме и
каендамс тиф пежеса, и Сон
нолдасы тейнек минь пежень-
конь. Шкайсь васенда ваны
ломанть седизонза и нийсыне
сембе минь мяленьконь-
арьсеманьконь.

Тя озондомаса Иисус тонафты
нинге вага мезенди: кода
Шкайсь нолясыне тейнек минь
пеженьконь,

тяфта тейнеконга эряви нолямс
пежет ся ломаттненди, конат
кальдявста тисть минь марх-
тонк.

*«Тямасть вятфне варчсемас,
но Кальдявть эзда идемасть»*

Эрь ломанти эряфса сашен-
дыхть Сатанать эзда варчсемат.
Къда ломанць аф кирди варчсе-
матнень каршес, эста пежесь
сувай ломанть эряфозонза и са-
ласы ломанть Шкайть маласта.
Пежесь фалу надияфты тѣждя
эряф и кенярькс, но аныцек
мъзярдонга тянь аф макссесы.
Меколанкт, сон тапай и шави
эсонк. Шарьхкодемок эсь лаф-
чашиньконь, эняльттяма Шкай-

ти — ванфтолемазь минь, эсь
оцю кельгозь ужалъдеманц
коряс, эрь кодама варчсемада.

*«Въдь Тоннет —
Оцязорксись, вийсь и
иневалдось пефтома пингс.
Аминь.»*

«Въдь Тоннет — Оцязорксись,
вийсь и иневалдось пефтома
пингс». Ня валхнень вельде
минь азонкшнесаськ кодама
Шкайсь: Сон Оцязор, Сембонь
машты и аныцек Тейнза макс-
сема сембе шнамась и сюконя-
мась тяни и пефтома пингс.
Мъзярда минь азсайнек ня
валхнень, эста минь шнасаськ-
кеподьсаськ Сонь лемонц.

А евреень «аминь» валсь ётаф-
тови кода «тя виде, улеза
тяфта».

Аф содаф валхне:

«Алянъке, кона менельса»
озондомась — молитва
«Отче наш»
иняру — святой
варчсемат — искушения,
испытания
ваймопожф — дух
паваз — счастье
иняруши — святость
пеже — грех
кой — закон, обычай
аф мувору — невиновный
кельгозь ужалъдема —
милость, милосердие

Ули эряф шачфтомда меле?

Эрьсь-ащесь пеку ава, потмосонза сон каннесь
кафтаськат. Фкя иднясь корхтай омбоцети: «Кода
арьсят, ули эряф шачфтомда меле?» Омбоцесь
каршезонза корхтай: «Мон арьсян ули. Кати-мезе
тоса ули. Пади, тьса минь аноклатама сянди,
мезе минь тоса учсамазь».

«Сърября корхнят, аш эряф шачфтомда меле.
Къда ули, эста кодамкс улель сон, азонтка?»

«Мон аф содаса, пади тоса ули сяда валда. А
пади, минь карматама якама кафта пильголангса
и карматама ярхцама кургоньконь вельде».

«Тя прокс прязон аф тьялги! Ярхцатама кургть
вельде? Тя пяк пеетьфти. Ярхцамбальсь сашен-
ды тейнек покон сюлоть вельде. И кафта пильгса

тон аф якават, сяс мес покон сюлоце пяк нюръх-
кяня, ичкози аф туват — сязьсак».

«А мон сембе сяка кеман — тоса кати-мезе ули,
кати-мезе лия, аф тя эряфоньконь лаца».

«Кулхцонтта, тоста кивок мъзярдонга ашезе
мъртце. Шачат, и сембот — тя эряфчень пец.
Шачемась козонга аф вяти».

«Ну, тянь мон аф содаса, — мярьгсь омбоцесь,
— но тядяньконь ни минь нйисаськ. Сон кармай
перьфканк шарома».

«Тядяньконь? Вай, ёньфтома, тон кемат тядяти?
И коса сон тяни?»



«Сон сембе вастова, перьфканок. Минь эрятама сонь потмосонза. Соньфтомонза афоль уле тя эряма вастоньковок».

«Мон сонь аф нйса. Сяс монь шумбра ёнезе корхтай: «Тядя аш!»»

Тянь каршес омбоце иднясь мярьгсь: «Улендихть тяфтама пинкт, мъязрда перьфпяльге сембось сетьме, эста мон кульса и маряса эсь тядязень. Мон кеман, шачфтомда меле ули лия эряф и минь тяс аноклатама ся эряфти».

Кулендеть тянь лаца корх-
немат? Фкятне корхтайхть —
Шкай ули. Лиятне кизефне-
сазь: «Къда ули Шкай, эста
мес сяшкава лама кальдявда
и кяжда масторлангса?» али
«Коста содамс ули-аш пефтома эряф, тоста въдь
кивок ашезе мъртце?»

Стака шарьхкодемс сянь, мезсь тейнек нинге аф
няеви. Тядянь потмоса канневи идняське аф
няйсы эсь тядянц, хуш тядясь пяк мала тейнза:
сон вярғанза-алғанза, виде ширесонга кержи-
сонга, тядясь иднять перьфпяльганза.

Тяконь лаца Апостол Павеловок азонды Шкайт
колга: «Въдь минь Соньзонза эрятама-ащетяма,
якатама». (Банк Апостолхнень тевсон 17:28.)
Шкайсь эряй-ащи минь перьфпяльганк. Тянь эзда
козонга аф туват.

А мезенди минь эрятама? Тя таколфты кизефкссь
ламотненди аф максси ваймама. Апостол Павел
корхтай тянь кувалма тяфта: «Шкайсь тиезе тянь
сянкса — ломатне вешенделезь Сонь, катк
нъльне сокоронькончт молельхть Тейнза и

мулезь Сонь. Виде Сон аф ичкозе эрьть эзда».
(Апостолхнень тевсна 17: 27). Сонь мялец азомс:
Шкайсь минь тиемазь и кемоста сотомазь Эсь
мархтонза, молелеме эряфонь кигаванк Сонь
мархтонза.

Кода иднясь вешендсь алянц кяшенди коряс
налхксемста, тяфта эрь ломаныцке вешендсь
Шкай Алянц. Въдь идсь содасы, аляц аф ичкозе,
хуш и афи нйсы сонь.



Кафтаснень колга ёфксса
фкя иднясь, корхтамок тя-
дянц колга, мазыста мярьгсь:
«Улендихть тяфтама пинкт,
мъязрда перьфпяльге сем-
бось сетьме, эста мон кульса
и маряса эсь тядязень».

Тяконь лаца, къда мяльце
васедемс Шкайт мархта, васенда эряви лоткамс
и тумс сетьме вастс. Къда перьфкат гайф и эря-
фонь тефт, Шкайт стака марямс и кулемс.

Сетьме вастса цебярь озондомс Шкайти,
корхтамс Тейнза. Шкайт мархта корхтак стане,
кода тон корхталеть алянцень, тядяцень али
кельгома ялгацень мархта. Тейнза прокс аф
эрявихть тонь мазы али ёню валхне. Мяляфтка,
Шкайсь аф ичкозе эздот.

Аф содаф валхне:

кафтасьт — близнецы
покон сюла — пуповина
пефтома эряф — вечная жизнь



Юмаф-араф цёра

**Валвеляфкс
юмаф-араф
цёрать колга**

(Лукань коряс Евангелия
15:11-24)

Иисус нинге азондсь:
«Фкя ломанть ульсть
кафта цёранза. Ёмлась
корхтай алянцты:
"Аляй, макск тейне
уликс-пароцень эзда
пяльксозень". Аляц
явозе цёранзонды
уликс-паронц. Мъзя-
рошка шида меле ёмла
цёрась мизе сембонц и
тусь ичкозденъ мас-
торс. И тоса, усксезовъ
эрязь, юводозе сем-
бонц, мезец ульсь.
Мъзярда сонъ мезецка
ашезь ляда, ся мастору
сась оцю вачаши. Сон
кармасть маятама. Эста
сон мольсь и сиво-
тьфтсь пря ся масто-
ронъ фкя эряйти. Тона
сонъ кучезе паксязонза
тувонъ ваноме. Сон
кенярдезь топафтолезе
пеконц тувонъ порем-
бальсовок, аныцек
тяньге тейнза кивок
ашезе макссе.


Эста сонъ сьргозсь
пряёнец, арьсезевсь:
"Мъзяра сивотьф ло-
маньда алязень пяле
кьрга видева
ярхцайхть кшида,



а мон тјаса кулсјан
 вачеда! Тујан тјаста,
 молян алязти и
 мярьган: Аляй! Мон
 тиень пеже менельть
 каршек и тонь инголет,
 мон оду аф кондястян
 лемневомс тейть цѣ-
 ракс; сјавомак покама
 сивотьф ломаттнень
 ёткс". И сон эстокиге
 тусь алянцты.

Сон нинге ичкозель,
 мѣзярда аляц нязе
 сонь. Аляти ужалъкс
 арась цѣрац; ласъксъ
 каршезонза, ашкодсь
 къргазонза и палсезе.
 Цѣрац мярьгсь тейнза:
 "Аляй! Мон тиень
 пеже менельть каршек
 и тонь инголет, мон
 оду аф кондястян
 лемневомс тейть
 цѣракс". Но аляц
 мярьгсь покодijenзон-
 ды: "Куроконе кан-
 дость инь цебяръ
 щамть, сърхкафтость
 сонь, сурксовок
 тонгода сурозонза и
 карьсембяльхть
 пильгозонза. Вјатеда
 антф вазня и печкость,
 карматама ярхцама и
 кеняртькшнema! Вѣдъ
 тя цѣразе кулофоль,
 тјани вельмась, сон
 юмсесь и мувсь". И
 тисть каванямань ила.

Сјада лама материалда Шкайтъ колга
 мокшень кяльса тейнтъ муви ва ня
 Интернет-сайттнень эса:
www.bibleonline.ru/video/jesus/#!mdf
www.finugorbib.com





Тик эсь кядьсот!

Роштувань открытка




Тейть эрвяксты:
инголкиге тиф по-
делкань пяльксне,
карандашт али
краскат

1. Китькся видьге
керыть поделкать
пяльксонзон

2. Архтыть картин-
катнень кода
тоньцень мяльце

3. Открыткань
пялькснень петф-
тайть фкя-фкянди
стане, кода няфтьф
рисункаса



4. Тяни панчк
открытка и
потмозонза
сёрматт мазы
валхт, и Рошту-
вань шине кинди-
кинди ялгатнень
эзда казык тя
открытка